

Na osnovu člana 18. stav (1) Zakona o putnim ispravama Bosne i Hercegovine ("Službeni glasnik BiH", broj 4/97, 1/99, 9/99, 27/00, 32/00, 19/01, 47/04, 53/07, 18/08, 33/08 i 39/08), Ministarstvo civilnih poslova Bosne i Hercegovine donosi

PRAVILNIK

O NAČINU PREUZIMANJA PUTNIH ISPRAVA

Član 1. (Predmet)

Ovim Pravilnikom uređuje se način preuzimanja putnih isprava.

Član 2. (Preuzimanje putne isprave)

- Putnu ispravu podnositelac zahtjeva za izdavanje putne isprave, preuzima lično kod organa nadležnog za izdavanje putne isprave kod kojeg je podnesen zahtjev za izdavanje putne isprave.
- Diplomatsko-konzularno predstavništvo Bosne i Hercegovine, izuzetno, može izvršiti uručivanje putne isprave putem sigurne pošte. Odgovornost za slanje putne isprave putem sigurne pošte preuzima nadležno Diplomatsko-konzularno predstavništvo Bosne i Hercegovine.
- Za maloljetne osobe do navršenih 14 (četrnaest) godina starosti putnu ispravu preuzima jedan od roditelja, staratelj ili drugi zakonski zastupnik.
- Maloljetna osoba od navršenih 14 (četrnaest) godina do navršenih 18 (osamnaest) godina starosti, prilikom preuzimanja putne isprave mora biti u pratnji jednog od roditelja, staratelja ili drugog zakonskog zastupnika.

Član 3. (Preuzimanje putne isprave putem punomoćnika)

- Izuzetno, putna isprava može se preuzeti putem punomoćnika, u slučaju kada je zahtjev za izdavanje putne isprave organ nadležan za izdavanje putne isprave zaprimio putem mobilne radne stanice.
- Podnositelac zahtjeva za izdavanje putne isprave, može pred ovlaštenim službenim osobama koje zaprimaju zahtjev putem mobilne radne stanice, ovlastiti punoljetnu osobu koja će preuzeti njegovu putnu ispravu, što će potvrditi svojim potpisom na zahtjevu za izdavanje putne isprave.
- Punomoćnik koji nije dobio punomoć u skladu sa stavom (2) ovog člana, dužan je prilikom preuzimanja putne isprave, organu nadležnom za izdavanje putnih isprava predati punomoć potpisu od strane nosioca putne isprave i ovjerenu od strane nadležnog organa ovlaštenog za ovjeravanje punomoći.

Član 4. (Potpis pri preuzimanju)

Pri preuzimanju putne isprave nosilac putne isprave ili njegov punomoćnik dužan je potpisom potvrditi preuzimanje iste.

Član 5. (Stupanje na snagu)

Ovaj Pravilnik stupa na snagu osmog dana od dana objavljivanja u "Službenom glasniku BiH".

Broj 06-2-30-4-154/09
2. jula 2009. godine

Ministar
Mr. Sredoje Nović, s. r.